

東川府志

卷壹
貳
肆

圖說

星野 附氣候

建置 附土官祿氏獻
土歸流始末

疆域 附形勢山川邊
要

134
印三

中國歷史地理研究所藏

Pe83
24120
5933.1-6

光緒戊申仲秋東

川師範學堂重印

舊序



中國銀行
經濟研究處

滇蜀黔隸土人之地皆無誌不獨東川也丁未年余承辦鎮雄搜輯故實爲芒部紀畧未暇授梓而去茲任東川適丁兵燹荒歉之後庶務糾紛固不遑及裒集然蠻荒僻陋亦鮮所得考据也乙卯春與雒原繡林編集五年來所諮訪覈究者爲二冊按例爲

篇畧而不遺聊供採摘耳夫東夷窟也政教風俗人物事實荒畧不備展卷之餘令人慨然有心東土者歷久而治舉治舉而教彰風氣移易而治行文物駸駸而上踵事增華後所紀載何難進於中州然吾聞之創始維難以東之無文獻可考也守土者於皇皇簿領而外一切治體禮器人文

學校不先爲之提其綱領舉其廢墜
啓其權輿而垂之可繼則因陋就簡
是終於土人之東川而已後有作者
又奚從而考之故余樂爲其畧以望
後之踵爲其詳者是爲片言以弁其
首云

雍正乙卯歲秋七月東川府知府同
官崔乃鏞伯璈氏謹序



東川府志序

東川在漢屬益州犍為郡
入唐宋段氏蒙氏竊據之
明初置軍民府隸四川川
南道

本朝始設流官雍正四年乃
改歸雲南其地居滇之東

序

一

北界連黔蜀羣山擁衛牛
欄金沙兩江屈曲環流洵
藩障之要區也郡產銅得
滇省所產之半而銅之轉
運京師者亦分任其半又
設局鼓鑄歲獲錢四十餘
萬繙民夷商賈四方輻輳

食貨浩穰屹然一都會是
皆不可以不志郡志向無
舊本雍正十一年崔太守
始草創之而未歲其事乾隆
二十五年臨安方大夫
以賢能調守是邦興革張
弛政事咸理慮東川文獻

序

二

久而無徵乃取崔太守原
稿踵而增之旁蒐博採勒
成一書自此邊徼之地風
俗人文不難與中土抗衡
矣東川自祿氏構亂民罹
其毒官兵致討踰時平定
迄今三十餘年休養生息

絃誦者樂

王化畊鑿者忘

帝力蓋

聖主如天之德無遠弗届若是
大夫之為郡志當亦敬念
及此而察吏安民益勤厥
職庶大有造於東川而不

序

三

徒簡牘紀載之空言矣乎
乾隆二十六年署理雲貴
總督兵部侍郎兼都察
院右副都御史巡撫雲
南兼建昌畢節等處地
方贊理軍務兼督川貴
兵餉蒞澤劉藻題

東川府志序

滇蜀之間產富五金東
川為最土司祿氏世踞
其地至康熙中土酋自
相戕賊應龍之人殆盡
乃自請改土設流轄於
蜀省土目夷醜猶時竊

一

出滇界為雲雍正四年
制府高文良公請於
朝改隸滇省後乃法憂肆
逆烏蒙及霁東川安
乎殆時則制府鄂文端
公指揮將吏莫無遺策
克醜駢誅邊陲以靖余

時方作令於滇謬承文
端公相器許於其經綸
捷代集衆思而堅獨斷
嘗目覩而識之日月不
處典型尚存迄今已三
十載矣乾隆之十五年
恭荷

二

聖恩以蜀臬膺全滇旬宣之
任由蜀赴滇道經是郡
採聽風俗損異疇昔民
氣之和樂田疇之蕃沃
商旅之輻輳道路之康
夷銅廠之旺盛或十倍
於前於是竊歎

國家之恩德翔洽天覆地
載民日遷善而不知其
所以然而
大憲之董率司牧所以
宣

正德而撫遠人真可謂各得
其所也已既逾年東川

三

太守方君以所輯郡志
相視詳為披覽知其不
事采藻而務精核詳備
以資考訂損益於將來
志疆域則列指阨險志
學校則勉勵人文厥課
銅運鼓鑄三事則自發

義例畢述沿起調劑之
故而於戡定祿酋臨難
效忠之將弁捐軀殉義
之士女畫榮獻地之智
士皆手為之傳詳言而
樂道之其有裨於政治
有益於風俗人心者矣

四

古聖賢徒善不足為政
徒法不能自行今志之
所述成法備矣坐而言
之起而行之則東川富
教之績方日進而上也
雲南布政使司布政使
長洲顧濟美撰



重脩東川府志序

東川自

聖祖朝在蜀設流官暨

世宗朝改隸滇省以來疆圻式

畫

典制懋增繼我

皇上乘乾御極丕顯丕承中

和位育紹

序

洪庥而昌景運故雖邊徼蠻

區沐浴

聖化先後垂六十餘年野安耕

鑿戶接絃歌生聚之雲

屯商賈之輻輳以及瑇

鐵銀鏤之產金錢刀幣

之用莫不紛然爛然允

宜載諸簡冊以為國乘

光惟是郡志一書成於
雍正乙卯為前太守崔
公草創時改隸未久一
切經營猶多未備是以
未中六撮舉其大略蓋
未竟之書也乾隆庚辰
余由臨安調守茲土膺
邊疆重寄撫既庶人民

序

二

屢勉厥職惟恐瘼官間
於政事之隙披舊志而
葺之芟繁複補闕遺列
為二十卷雖舛陋無文
而踵成前迹意弗敢渝
既使一方掌故明其頭
旣用備文獻之考且以
見

聖天子仁壽昇平之福被於
荒遠巍々乎有如斯之
極盛者志成呈稿於
署制府劉大中丞重蒙
訓指判其紛糅袞其嘈囂
鑑裁既定乃授之梓夫而
後可稱郡志之完書矣
若曰鋪張美盛鼓吹休

序

三

明允望後來之賢士大
夫撫其實而潤色之則
更余之幸也是為序
乾隆二十六年歲次辛
巳秋七月雲南東川軍
民府知府楚南方桂謹
撰



東川府志書序

東川舊為蜀郡雍正四年以總制高文良公之請改隸滇服自是以來難頑鋤兇勸耕設戍牙錯壤接之州邑始有寧宇而積年負固之夷獠亦得重自洗濯躋足抗首去習興昧闇以耀於光明先是郡守同官崔君乃鏞實著勞於茲序

土手勒郡志已有端緒顧時值草創有待于增訂者尚多乾隆戊寅己卯之交予以分巡迤東兼攝茲郡按圖考典覃然深思竊以為往者東川之在滇地如苗之有莠去其害稼如牧之亂羣去其害馬者而已今則版宇式廓商民雲集湯丹大礫三廠之銅歲以數百萬輸納

天府陸運水通浮江沂淮駱驛踵接寶雲
錢局鼓鑄之鑪七十座有奇足以資昭
通曲潯二鎮及列營之兵食滇黔楚蜀
之民倚開採鍛冶轉運以給衣食者以
數萬計寔滇省上游之望郡非昔之
東川比矣茲蓋欣逢

國家威德昭宣景運昌洽嶽脩貢而川效
序

二

珍古所云地不愛寶人不愛情者乃今
得親逢其盛亦由累年以來先後諸
賢憲鉅公文經武緯劈畫精思以底
於成績是皆不可不勒為成書俾後人
有所遵守攷鏡而益臻於治理顧值前
政失宜日思所以調劑釐剔之者未暇
及搜羅考訂文藝之事也適承

恩命調理嵯郵旋返省治臨安守方君以
才望移守茲土更替之際輒以相屬方
君欣然引為己任逾年乃以郡志全書
相示因創具備鉅細畢該按部就班整
之有條理而乃為之大愜於志也語曰
前事之不忘後事之師也又曰美成在
久東川自改隸以來甫三十餘載風氣
序

三

已駸々日上則將來之繼序以皇之睿
績以終之是在賢守令勉之而已攷疆
域則思益肇於牧寧採民風則思益臻
於庶富賦役既均則思永章程於不敝
文風既闢則思溥教澤於日新厥務錢
法站運三者尤裕國阜民之重務也益
勅益加之意焉則斯志也豈僅以徵故